

## Un ricuart di Romano Locci

*La Universitât di Udin, che e je stade pensade come Universitât dal Friûl, e je nassude su la fonde di un grop di professôrs di divignince furlane, che si son formâts e a son cessûts academicamentri ta lis differentis universitâts talianis e che tai agns de fondazion des diviersis facoltâts a àn pensât di contribuî a la lôr incressite e rinfuarciment domandant il trasferiment a Udin. Lis motivazions a sono stadiis differentis. Cualchidun, che nol à mai lassât la cjase in Friûl, al à volût finîle cun agns di pendolarism e si è trasferît a Udin. Altris a si son trasferîts come ricercjadôrs o professôrs associâts e a àn cjatât achì la pussibilitât di vinci la catedre. Altris ancjemò a àn fat la sielte di tornâ te tiere dulà che a son nassûts, dopo vê fat ducj i passaçs de cariere academiche in cualchi altre Universitât taliane o in cualchi câs foreste.*

*Romano Locci al à disvilupât dut il so troi sientific e academic in Universitâts dal forest. I Stâts Unîts, la Gjermanie, l'Irlande, Milan a àn contribuût a la sô incressite sientifiche, disvilupade doprant la lenghe inglese, todesche e taliane. Nassude la Universitât dal Friûl, al è vignût a contribuî al slargjament e rinfuarciment de Facoltât di Agrarie e dal Dipartiment di difese des plantis. Costituide la Societât Sientifice e Tecnologjiche Furlane, al à volût dâ un contribût impuantant ancje a un setôr di grant valôr pe comunitât dulà che al è nassût e al à disvilupât i prins moments de sô formazion. Contribuî a la cressite dal status de lenghe furlane, che no pues jes- si dome la lenghe dai afiets e de vite di ogni dì, ma ancje l'imprest di comunicazion dai concets plui avanzâts che a regolin la incressite da societât moderne.*

*Doprâ la lenghe furlane in ambient sientific al vûl dî dâ une prove fuar-*

*te dal amôr che si puarte pe lenghe de comunità e une dimostrazion impuartante des cognossincis lenghistichis e científichis tal stes temp. Vûl di rompi la identificazion che ancjemò masse spes si fâs tra lenghe e dialet, tra un lengaç che il so plen ricognosiment tal ordenament juridic al è stât otignût quasi incidentalmentri cu la leç constitutive de Universitât dal Friûl tal 1977 e a lîvel di sisteme cu la leç dal 1999 tant volude de comunità furlane, e lis variants de lenghe taliane sparniçadis dilunc la penisule.*

*Fin dal inizi de vite de Societât Romano Locci al à volût lavorâ in ches-  
tis direzions, prime partecipant a lis voris dal Direttif, e dopo acetant di as-  
sumi la Direzion di cheste Riviste, che le à fate vivi no dome cul so impegn  
a cirî, coordenâ e corezi lavôrs, ma ancje scrivint articui dulà che al à vût la  
possibilitât di contribuî no dome al rinfuarciment dal “status” de lenghe  
furlane, ma ancje al disvilup dal so “corpus” tal setôr sientific di sô compe-  
tence.*

*Cui siei arlêfs e cui colaboradôrs de Riviste o vin volût meti sù chest nu-  
mar quasi dal dut dedicât a la sô figure, in maniere di dimostrâ ancie in  
chest mût il nestri ricognosiment par une grande espression dal lavôr di  
slargjament des cognossincis e di formazion di zovinis inteligencis che Ro-  
mano Locci al à savût disvilupâ te Universitât dal Friûl.*

Marzi Strassolt  
President de Societât Sientifiche  
e Tecnologijiche Furlane